

收不無影響。(按東西洋各國對於 Carriage 之板片均列入奢侈品內) 是否有轉呈之必要。仍乞卓裁等情。理合將該公司先今兩函。據情轉呈。應否將人造象牙等板片列入奢侈品表內之處。伏乞鑒核施行。謹呈。

### (C) 說帖

為裁厘加稅擬具意見請程天固處長轉遞財政部之說帖(八月九日)

裁厘加稅自載入壬寅商約後。一般國民希望其實現者已數十年。徒以國內多故。外人挾持。等於望梅止渴。茲者國民政府在軍事尚未結束之際。不惜排除萬難。毅然宣布於本年九月一日。將厘金及類似厘金之各項通過稅。悉予撤廢。同時將進口關稅。依照原定進口關稅暫行條例課稅。其當機立斷。勇於建設之精神。誠為國民所感佩。且此次裁厘。尤有一種極澈底之辦法者。即常關一項。除徵收國境進出口稅者而外。其餘內地常

關一律裁撤。實為歷來言裁厘者所未經見及。蓋自壬寅英約有常關制度仍可保存之文。於是歷來言裁厘者。乃欲利用此常關。以為經徵產銷稅之用。今政府既於布告中聲明將內地常關及非通過稅而不便商民之落地稅一併裁撤。是與落地稅改頭換面之銷場稅。為壬寅英約所遺留者。均予以摧陷廓清。尤足使商人得底之澈解放。此次財政部特派關稅處程處長銜命來滬。在政府一方固欲以此案籌備經過之情形。報告於商人。而在商人一方。亦以裁厘加稅頭緒繁重。政府雖高瞻遠矚。胸有成竹。而商人本身利害所關。非無千慮之一得。亦欲乘程處長來滬之會。貢獻於政府。以備葑菲之採。不嫌詞費。試縷述其如旨下。(一)進口稅不宜採用均一制。此次頒布之進口關稅暫行條例。除煙酒及甲乙兩種奢侈品另定征稅等額外。其餘概目為普通品。一律課以值百抽十二。有半之進口稅。此在政府自為減少外交方

面之糾紛起見。故於所定普通品稅目。仍不超過壬寅英約所定之限度。以使外商易於就範。苦心孤詣。在國民固當共諒。然政府此次裁釐加稅。其主旨既為發達國民經濟起見。則此中之調劑得宜。全在稅率之善於運用。而均一稅制。實為最缺乏張弛調劑之能力。曩時協定稅之為人詬病。半以其課稅太輕。半亦以其不問貨品性質如何。而概施以值百抽五之課稅。今若改定關稅條例。而仍適用均一稅制。於發達國民經濟之主旨。當慮其仍未貫徹。何則。就普通品詳晰言之。有為國內工業所必需品。而國內工廠。現尙不能自製者。如紡織機器。製鐵機器。開礦機器等。有為助長國內文化發達之品。如書籍。儀器。等有為公共衛生必需之品。如醫生所用之器具。藥品等。有為國民日用必需之品。如煤。則關係工廠之燃料。而因國內礦產尙未盡量發展。不得不仰給外來之補助。米為國民重要之食料。而因國內農政未能修明。不

能不仰給暹羅安南等洋米之輸入（洋米向爲免稅品。此次所頒暫行條例第十條中未曾列入。諒必照普通品課稅。）皆應斟酌於吾國需要之情形。而課以極輕微之稅。或竟免稅。今於上述各項向來免稅或僅課以值百抽五之正稅者。一律課以值百抽十二有半之稅。似未足以貫徹發達國民經濟之本旨。應請轉呈政府將現時所認爲普通品中就上所述範圍劃出若干種。再詳晰分類。或許其免稅。或課以值百抽五值百抽七有半之進口稅。此敝會所希望於程處長者一也。

(二)出廠稅條例。有應行修改。或於施行細則設法補救。出廠稅爲抵補進口關稅之損失。就財政收入言。就抵制洋商廣爲設廠之政策言。當然應行按章收取。惟國內特創之大工業。從前如張裕釀酒公司。薄益製糖公司。國民製糖公司。漢治萍製鐵公司。本埠之興鋼鐵廠等。均有於若干期間特准免稅之文。壬寅商約所定涉及出廠稅者。亦有准

免之例外。况現在政府此次裁釐。本非悉以壬寅商約爲藍本。更無所容其瞻顧猶豫。竊謂宜於出廠稅條例中補訂一條。凡從前奉准免稅。及政府嗣後認爲應行特准免稅各廠。均不在本條例所定範圍之內。此應修正者一也。又從前機製仿造洋貨本許其輸出國外者。併值百抽五之一道出口正稅。亦予豁免。此爲仿照歐美各國之獎勵出口起見。於國內幼稚工業不無裨益。故上年北京所擬出廠稅條例草案第三條。有完清出廠稅之貨物。出口運往外國時。出口海關應令呈繳第十條所載之運單。於徵存之出廠稅款內。憑單將所完出廠稅銀。如數發還之。其用意仍爲維持出洋免稅之原案。茲查政府此次頒行之出廠稅條例第七條。載明完納出廠稅之貨物。出口運往外國時。由該商向出口海關呈繳第九條所載之出廠單換領憑證。得運行出口。不再完稅。是照現行辦法。運往外洋之貨物。其已繳出廠稅。並不發還。比

照出廠稅未施行以前。每百元須負擔十二元半稅款。實足以阻礙國內機製仿造洋貨之輸出。亟應參照上年北京所擬出廠稅條例草案第三條。凡運往外洋之貨物。准其按數發還。此敝會認爲應行修正者。又其一也。又出廠稅條例第五條。規定凡完納出廠稅之貨物。在本國境內。概免重徵。然政府此次宣告裁釐。既暫以蘇閩浙皖粵桂六省爲限。假使已完出廠稅之貨物。輸出於上列六省轄境以外。而有重征情事。商貨必蒙甚大之損失。阻礙銷路。竊謂宜於施行細則中規定補救辦法。凡輸往六省以外之貨物。得酌視其情形。適用返稅辦法。或竟酌減出廠稅。此敝會認爲應行曲施補救者。又其一也。華洋同在國內設廠製造。實力技術。優絀懸殊。課以同一之出廠稅。必致華廠無以自存。故於出廠稅條例草案理由書內。有另設獎勵金之擬議。惟九月一日出廠稅實施之期。距今已無多日。而獎勵辦法。迄今尙未訂定。商人

翹首企踵。實覺非此無以自存。竊謂獎勵金之用。還稅辦法。即於所征出廠稅中。返還其一部份。固為一定不易之辦法。惟獎勵金一項。亦宜就國貨之性質效用。酌定分等辦法。如機製紗布一項。外商競爭最烈。受害尤甚。宜酌定為獎金百分之七有半。即實征出廠稅百分之五。其餘普通用品。則以酌給獎金百分之五為度。即實征出廠稅百分之七有半。期與現行稅率。相去不遠。不致於銷路上起急劇之變化。其餘煙酒及甲乙二種奢侈品進口稅則。規定極重。出廠稅照此征收。則華廠所應給之獎勵金。更宜為之分等詳密規定。大致比照進口稅則。實征其廠稅四分之一。而以四分之一為獎勵金。庶華廠或有爭存之餘地。惟此項獎勵金辦法。須從速規定。與出廠稅同時實施。方免華廠受困。此應行急施補救辦法者。又其一也。一出產稅將來如何規定。裁釐後之不宜舉辦產銷兩稅。已為近年來經濟學者及一般商家公共

之議論。惟此次財政部所頒布改革稅制綱要。有舉辦特種物品出產稅一條。則政府對於出產稅一項。似尚無放棄之意。商人亦不得不於政府所擬舉辦範圍所內。為相當之貢獻。(一)既稱特種物品。則課稅品目。須力求其簡單。其品目之選擇。應由各省財政廳諮詢商會決定之。(二)特種出廠稅雖以大宗消費品為限。但民食品應予除外。不另課稅。(三)課稅時宜力杜一物兩稅之制。如某省以竹木產出為大宗。既課竹木之出產稅。則加工製成之品。即應不再課稅。又如絲織品一項。如欲課以特種出產稅。則以前所抽之絲出產稅。即應仿照出廠稅辦法。許其按類扣還。否則必致一物二稅或三稅。與釐金之病商無異。(四)課稅方法。宜力求簡易。或於產地逐件黏貼印花。或於起運時。責成牙行報稅。或許由各業商包繳。三者就各業各地之情形。諮詢各該處商會之意見決定之。惟總不可各處設局稽征。以蹈從前層層設

卡之覆轍。此應請政府於將來制定特種出產稅條例時。採擇施行者也。以上所陳各節。雖屬卑之無甚高論。然均為一般商界所渴望之事。尚祈程處長允於回部時。逐一轉陳。俾得見諸施行。實為商界之幸。亦敝會所日夕以企者也。

### ●商業圖書館

本月份收到各處捐贈圖書茲已按類編目陳列以供衆覽外並登本報

藉表謝忱

穆藕初先生贈書如後

320.8-622 參與太年洋商務會議日記

621.704-622 工廠學理的管理法

638.51-622 植棉改良淺說

677-622 中國花紗布業指南

926-622 藕初五十自述

徐紹楨先生贈書如後

823-320 學壽堂日記